

aus gnugsamen vrsachen / inn einer zeche zweymal frist geben
wirdt / soll er fürder dauon keins nutzē mehr gewarthen / Soll
auch nicht gestatten / zwue massen mit einem Heuer barwhafftig
zuhalten.

Der dreyvnddreissigste Artikel.

Tiffe Staln vnd strecken / soll man
nicht vorstürzen / Sondern solchs dem
Berckmeister ansagen / damit der berg
heraus gefordert.

S D man inn einer Zechen / tieffe Staln / strecken / odder an
der örter auff lassen / vorbauwen oder vorstürzen wil / das
sol zuuorn dem Berckmeister angesagt werden / das zu be-
sichtigen / wie der Berckmeister alzeit fleissig thun / odder zuthun
vorsügen sol / Vnd welche one das ichtes auff lassen / vor-
bauwen oder vorstürzen / odder auch sonst den berg inn Etollen
oder zechen / inn tieffe odder strecken / ob die auch mit willen des
Berckmeisters vorlassen weren / stürzen / waschen / oder aushe-
den / vnd den nicht an tag bringen / der odder die sollen mit ernst /
an leib vnd gutt / gestrafft werden / Vnd ob die Geschwornen / so
das selbig gebirge befahren / solchs vorhengen / vnd dem Berck-
meister nicht anzeigen würden / so sollen dieselbigē auch mit ernst
gestrafft / oder ihrer dienst entsetzt werden.

Der xxxiii.